



Akcija SIPA u Tuzli kodnog imena Kvarc

UHAPŠEN PODMIĆENI

BAHIR IMAMOVIĆ

Osumnjičeni pomoćnik ministra uhapšen prilikom primopredaje 10.000, od ukupno 30.000 maraka, koje je trebao uzeti od dužnosnika preduzeća Tuzla-kvarc

Pripadnici Agencije za istrage i zaštitu BiH (SIPA) jučer su, po nalogu Tužilaštva BiH, proveli akciju Kvarc u Tuzli i tom su prilikom uhapsili Bahira Imamovića (60), pomoćnika ministra u Ministarstvu industrije, energetike i rudarstva u Vladi Tuzlanskog kantona. On je priveden na saslušanje u prostorije ureda SIPA u Tuzli, a naknadno će biti predat državnom Tužilaštvu, koje će odlučiti o daljim mjerama.

Složena istraga

Policija je u akciji pretresla jedan objekat i vozilo s ciljem pronalazjenja i privremenog oduzimanja predmeta koji mogu poslužiti kao dokaz u daljem postupku, dok je kod osumnjičenog prilikom pretresa pronađeno 10.000 KM, rečeno nam je u SIPA, gdje navode da je akcija uslijedila nakon višemjesečne složene kriminalističke istrage.

Iz državnog Tužilaštva je saopćeno da je Imamović uhapšen prilikom primopredaje dara od 10.000, od ukupno 30.000 maraka, koje je trebao uzeti od dužnosnika preduzeća Tuzla-kvarc d.o.o. Tuzla.

Osumnjičeni je tražio navedeni iznos kako bi kao pomoćnik ministra zloupotrijebio ovlasti i

proveo proceduru u kojoj bi navedenom poduzeću omogućio koncesiju za eksploataciju kvarcnog pijeska u Tuzlanskom kantonu. Imamović je u više navrata realizirao kontakte sa predstavnikom preduzeća, od kojeg je tražio da podigne kredit od 30.000 KM i da novac osumnjičenom, kako bi zauzvrat bila neometano realizirana procedura za dobijanje koncesije, saopćeno je iz Tužilaštva BiH, odakle navode da se intenzivno poduzimaju aktivnosti u borbi protiv korupcije i koruptivnih krivičnih djela.

Ova akcija pokazuje odlučnost Tužilaštva BiH u borbi protiv korupcije i koruptivnih krivičnih djela i predstavlja primjer dobro provedene i realizirane istrage, u kojoj su prikupljeni detaljni i neoborivi dokazi o procesu traženja i predaje dara u svrhu zloupotrebe službenog položaja i ostvarivanja nezakonite imovinske koristi. Tužilaštvo ima nulti stepen tolerancije prema korupciji i najavilo je odlučnu borbu protiv svih oblika koruptivnih djela, naročito onih koja uključuju zloupotrebu službenog položaja za ostvarivanje nezakonite imovinske koristi, navodi se u saopćenju Tužilaštva BiH.

Kako saznajemo, zbog davanja dara niko nije uhapšen. Navodno je "predstavnik preduzeća Tuzla-kvarc" pristao na saradnju sa policijom i Tužilaštvom, te je, zahvaljujući njemu, i počela cijela akcija, a prethodno i prikupljanje dokaza. U ovoj tuzlanskoj firmi jučer nije bilo nikog od šefova ili direktora koji bi mogli dati izjavu. Prema riječima sekretarice ovog preduzeća, direktor Smajil Velagić je odsutan i ne može davati nikakve izjave.

Eksploatacija

Firma Tuzla-kvarc i ranije se spominjala u medijima. Naime, postupajući po naredbama Općinskog suda Tuzla i Tužilaštva TK-a, službenici kantonalnog MUP-a nedavno su na eksploatacionom polju u blizini Rudnika Bukinje zaplijenili bager, koji je korišten za nelegalnu eksploataciju kvarcnog pijeska.

Kako je tada saopćeno iz tuzlanskog Tužilaštva, radilo se o predmetu koji se vodi protiv pravne osobe preduzeća Tuzla-kvarc i odgovorne osobe u tom preduzeću, a zbog sumnje da su počinili krađu.

A. BRKIĆ - ČEKIĆ

Page: 12

Reach: 0

Country: BOSNIA AND HERZEGOVINA

Size: 479 cm2

2 / 2



Privođenje: Funkciju pomoćnika ministra obavljao u posljednjih nekoliko godina



U firmi Tuzla-kvarc jučer nije bilo njenih rukovodilaca

Imamović (ni)je član SDP-a

Osumnjičeni Bahir Imamović je, kako je navedeno u njegovom CV obrascu rukovodećih državnih službenika u organima uprave u upravnim organizacijama TK-a, od 2011. do 2014. bio član SDP-a. Predsjednik KO SDP-a TK-a Enver Bijedić jučer nam je kazao da je dao da se provjeri da li je uhapšeni Imamović član partije.

- Znam pouzdano da je bio član SBiH i SDA, ali je očigledno 2011. ušao u SDP. U svakom slučaju, potrebno je da pravosudni organi urade svoj posao i mi u SDP-u imamo povjerenja u pravosuđe, kazao je Bijedić.

Gradonačelnik Tuzle Jasmin Imamović (SDP BiH) kazao nam je da je akcija SIPA za ohrabriti i pohvaliti.

- Žao mi je što je SDP primao svakoga ko je to htio 2010. i to je velika greška. Tužilaštvo treba ohrabriti u borbi protiv korupcije, mišljenja je Imamović.